

四庫全書

子部

欽定四庫全書

子部

御纂醫宗金鑑卷七十四

詳校官太醫院醫士臣程泰

編修臣倉聖脈覆勘

總校官中書臣朱鈐

校對官中書臣李奎

謄錄監生臣潘坦

繪圖監生臣孫大孺

欽定四庫全書

御纂醫宗金鑑卷七十四

編輯外科心法要訣目錄

發無定處

下

疥瘡

癬

黃水瘡

暑令瘍毒小癬

瘡疽

產後癰疽

翻花瘡

無圖

血風瘡

痞癰

浸淫瘡

火赤瘡

貓眼瘡

魚脊瘡

骨痿瘡

風疔

無圖

血疔

白疔

漆瘡

血箭

血痣

股痛 無圖

瘡口誤入毒水 無圖

諸瘡生蠅蛆 無圖

御纂醫宗金鑑卷七十四目錄

欽定四庫全書

御纂醫宗金鑑卷七十四

編輯外科心法要訣

疥 瘡 圖



疥瘡五種

疥瘡

疥瘡乾濕蟲砂膿各經蘊毒風化成治論上下分肥瘦
清風利濕兼殺蟲

註

此證有乾濕蟲砂膿之分其形雖有五種總由各
經蘊毒日久生火兼受風濕化生斯疾或傳染而
生凡疥先從手了生起遠徧週身瘙癢無度如肺
經燥盛則生乾疥瘙癢皮枯而起白屑如脾經濕
盛則生濕疥聾腫作痛破津黃水甚流黑汁如肝

經風盛則生蟲疥癢癢徹骨撓不知疼如心血凝
滯則生砂疥形如細砂焮赤癢痛抓之有水如腎
經濕熱則生膿窠疥形如豆粒便利作癢膿清淡
白或脾經濕盛亦生膿窠疥但頂含稠膿癢疼相
兼為異疥雖有餘之證而體虛之人亦生以便秘
為實便利為虛亦有虛而便燥者如風秘則便燥
血分枯燥則便澁又在瘡形色重色淡及脈息之
有力無力辨之初起有餘之人俱宜防風通聖散

服之虛者服荊防敗毒散透發之及形勢已定則
無論虛實乾疥服消風散濕疥服蒼朮膏蟲疥服
蘆薈丸砂疥服犀角飲子膿窠疥服秦朮丸經久
不愈血燥者服當歸飲子外治乾疥者擦繡毬丸
濕者擦臭靈丹潤燥殺蟲俱效疥生上體多者偏
風熱盛下體多者偏風濕盛肥人多風濕瘦人多
血熱詳辨治之

蒼朮膏

南蒼朮

十觔切片入砂鍋內水煮減半取汁再加水
煮如前以朮無味為度併汁一處用小砂鍋

再煎如乾一寸加汁一寸
煎成膏加蜂蜜四兩和勻

每服二羹匙空心白滾水調服

方歌蒼朮膏醫濕疥瘡切片入鍋煮取湯熬膏加蜜空

心服濕除熱散勝羣方

犀角飲子

犀角

鎊

赤芍

甘菊花

元參

木通

赤小豆

炒

石菖蒲

各一錢五分

甘草

一錢生

生薑三片水二鍾煎八分服

方歌犀角飲子砂疥生癢疼赤色出心經芍菊元參通

赤豆菖蒲薑草水煎成

秦朮丸

秦朮

苦參

大黃

酒蒸

黃耆

各二兩

防風

漏蘆

黃連

各一兩五錢

烏蛇肉

五錢
酒浸焙乾

共為細末煉蜜為丸如梧桐子大每服三十九食
後溫酒送下

方歌秦朮丸服膿疥愈清熱癢除瘡自去苦參大黃風

漏蘆烏蛇黃連耆蜜聚

當歸飲子

當歸

生地

白芍

酒炒

川芎

何首烏

荆芥

防風

白蒺藜

各一錢

黃耆

甘草

各五分
生

水二鍾煎八分食遠服

方歌 當歸飲子膿疥久癢添血燥不能除四物黃耆何

首草荆防蒺入風自疎

繡毬丸

川椒

輕粉

樟腦

雄黃

枯白礬

水銀 各二錢

大風子肉

一百枚
另研

共研細末同大風子肉再碾勻加柏油一兩化開
和藥攪勻作丸以二掌合搓如圓眼大先以鼻聞

次擦患處

方歌繡毬丸用椒輕粉樟腦雄黃礬水銀大風子研柏

油兌乾疥搓擦效如神

臭靈丹

硫黃末

油核桃

生豬脂油

各一兩

水銀一錢

搗膏用擦患處

方歌

臭靈丹擦膿濕疥硫黃末共油核桃生豬脂油各

一兩水銀一錢同搗膏

防風通聖散

見頭部
禿瘡

荆防敗毒散

見項部
腦疽

消風散

見項部
鈕扣風

蘆薈丸

見牙齒部
牙衄

癬 瘡 圖



癬瘡六種

癬

癬證情形有六般風熱濕蟲是根原乾濕風牛松刀癬
春生桃花面上旋

註
此證總由風熱濕邪侵襲皮膚鬱久風盛則化為
蟲是以搔癢之無休也其名有六一曰乾癬搔癢
則起白屑索然彫枯二曰濕癬搔癢則出黏汁浸
淫如蟲行三曰風癬即年久不愈之頑癬也搔則
痺頑不知痛癢四曰牛皮癬狀如牛領之皮厚而

且堅五曰松皮癬狀如蒼松之皮紅白斑點相連
時時作癢六曰刀癬輪郭全無縱橫不定總以殺
蟲滲濕消毒之藥敷之輕者羊蹄根散久頑者必
效散搽之亦有脾肺風濕過盛而腫痛者宜服散
風苦參丸解散風濕其腫痛即消又有面上風癬
初如痞瘍或漸成細瘡時作痛癢發於春月又名
吹花癬即俗所謂桃花癬也婦女多有之此由肺
胃風熱隨陽氣上升而成宜服疎風清熱飲外用

汨風玉容散每日洗之自效

羊蹄根散

羊蹄根

八錢末

枯白礬

二錢

共研勻米醋調擦癬處

方歌羊蹄根散敷諸癬羊蹄根共枯白礬二味研末加

米醋搽患滲濕癢可痊

必效散

川槿皮

四兩

海桐皮

大黃 各二兩

百藥煎 一兩四錢

巴豆 一錢五分
去油

蟹螯 一箇
全用

雄黃

輕粉 各四錢

共研極細末用陰陽水調藥將癬抓損薄敷藥乾
必待自落

方歌必效大黃百藥煎川槿海桐巴豆蟹雄黃輕粉陰
陽水調擦諸癬久年頑

散風苦參丸

苦參 四兩

大黃 炒香

獨活

防風

枳殼

麩炒

元參

黃連

各二兩

黃芩

梔子

生

菊花

各一兩

共研細末煉蜜為丸如梧桐子大每服三十九食後白滾水送下日用三服茶酒任下

方歌散風苦參風濕盛癬瘡多癢腫痛兼大黃芩獨防

風枳元參梔子菊黃連

疎風清熱飲

苦參

二錢酒浸蒸
曬九次炒黃

全蠍

土炒

皂刺

豬牙皂角

防風

荊芥穗

金銀花

蟬蛻

各一錢
炒

酒水各一鍾加葱白三寸煎一鍾去渣熱服忌發
物

方歌 疎風清熱風癩患時作痛癢極纏綿苦參蠟刺豬

牙皂防風荆芥銀花蟬

消風玉容散

綠豆麩

三兩

白菊花

白附子

白芷 各一兩

熬白食鹽

五錢

共研細末加冰片五分再研勻收貯每日洗面以

代肥皂

方消風玉容綠豆麩菊花白附芷食鹽研加冰片代
肥皂風除癬去最為先

黃水瘡圖



黃水瘡

黃水瘡

黃水瘡如粟米形起時作癢破時疼外因風邪內濕熱黃水浸淫更復生

註此證初如粟米而癢兼痛破流黃水浸淫成片隨處可生由脾胃濕熱外受風邪相搏而成宜服升麻消毒飲熱甚外用青蛤散敷之濕甚碧玉散敷之即效痂厚用香油潤之忌見水洗

升麻消毒飲

當歸尾

赤芍

金銀花

連翹

去心

牛蒡子

炒

梔子

生

羌活

白芷

紅花

防風

甘草

生

升麻

桔梗

每味用二錢為大劑一錢五分為中劑一錢為小

劑水二鍾煎八分食遠熱服

如瘡生頭面減去歸尾紅花

方歌升麻消毒却風濕歸芍銀花翹茅梔羌芷紅花防

草桔黃水浸淫服漸失

青蛤散


見鼻部
鼻蠱瘡

碧玉散

見面部
燕窩瘡

暑令瘍小瘡圖

暑瘍小瘡



暑令瘍毒小癰

暑令瘍癰焮腫疼頭暈口苦背肌紅較之癰疽發熱異不分日夜似火攻

註

此證係暑令所生瘍毒小癰初發背心肌膚紅暈次生腫痛發熱無時日夜不止兼頭目暈眩口苦舌乾心煩背熱肢體倦怠初宜荆防敗毒散加霍香黃連石膏服之外治按癰疽腫瘍潰瘍門

荆防敗毒散

見項部
腦疽

瘡 疽 圖



瘡疽生在筋骨先黑變青色如拳打之狀

瘡疽

瘡疽因受山瘴毒伏藏久痛附筋骨初黑次青如拳打
急砭惡血後膿熟

註

此證因受山嵐瘴氣伏藏筋骨之間年月久遠令
人痛附筋骨始發黑色頑痺如木石其毒附着於
筋骨重按方知微痛五七日後毒勢湧出浮腫次
變青色如拳打之狀寒戰似瘧頭顫口偏手足厥
逆黑睛緊小始見黑色時急用砭法令出惡血隨

服不換金正氣散加羚羊角以洩邪毒次按癰疽
腫瘍潰瘍治法膿熟潰黃白膿為順出黑汁者險

不換金正氣散

蒼朮

米泔水浸炒

厚朴

薑製

陳皮

藿香

半夏麴

各二錢
炒

甘草

一錢
炙

水二鍾生薑五片紅棗肉二枚煎一鍾去渣稍熱

服忌生冷油膩

方歌正氣散因山瘴感伏久生疽身戰寒平胃散加半

夏麴藿香薑棗服平安

產後癱疽圖



產後癰疽

產後癰疽最屬險七情之傷六淫感瘀血稽留成癰疽
勢潰托裏不宜緩

註

此證因產後氣血經絡俱虛或因七情所傷或因
六淫所感與瘀血相稽而成最屬險候法宜大補
扶助根本兼活瘀生新為要其客病以末治之初
服生化湯隨證加減以消毒有表邪服清魂散有
裏熱服回生丹勢欲潰膿時急宜托裏遲則恐毒

內陷藥味宜和平純善最忌汗下峻劑其餘腫潰
治法俱按癰疽腫瘍潰瘍門

生化湯

當歸 八錢

川芎 四錢

薑炭

甘草 各四分
炙

桃仁 十粒
去皮尖研泥

水一鍾半煎六分加無灰酒一小杯和服

方歌 生化湯宜產後疽通滯和榮又補虛歸芎薑炭炙

甘草桃仁酒服善消瘀

清魂散

荊芥 一錢

川芎 五分

人參

甘草 炙

澤蘭葉 各三分

為末黃酒調服

方歌 清魂產後風邪侵荊芥川芎與人參炙甘澤蘭同

作劑能疎表證效通神

回生丹

黑豆

三升
煮熟取汁三盃去豆

紅花

三兩炒黃色入醇酒大壺
同煮三五滾去紅花用汁

生大黃

一觔
研末

蘇木

二兩剉用河水五
盃煎汁三盃去渣

先將大黃末以好米醋三四盃攪勻文武火熬成
膏如此二遍次下紅花酒蘇木湯黑豆汁共熬成
膏離火再入後藥

當歸

熟地

川芎

白茯苓

延胡索

烏藥

香附

蒲黃

牛膝

桃仁
另研

蒼朮

各二兩
米泔水浸炒

白芍
酒炒

甘草

炙

羌活

山萸肉

酒浸

三棱

陳皮

地榆

木香

五靈脂 各五錢

人參

白朮
土炒

青皮

木瓜 各三錢

良薑 四錢

乳香

沒藥 各一錢

共研細末用大黃膏為丸如彈子大每服一九黃
酒炖化通口服

方歌
回生產後存惡露致發癰疽服可逐除熱活瘀榮

衛和紅花大豆蘇木八珍羌萸稜延胡烏藥青
陳榆香附乳沒蒲黃良膝瓜木香靈脂桃蒼朮

翻花瘡 無圖

翻花瘡因潰後生頭大蒂小努菌形雖無痛癢觸流血
血燥肝虛怒氣成

註此證因生瘡潰後努肉自瘡口突出其狀如菌頭
大蒂小愈努愈翻雖不大痛大癢誤有觸損流血
不住久則虧虛總由肝虛怒氣血燥而成宜服逍
遙散外用烏梅煨灰輕粉各等分研末撒之或馬
齒莧煨灰豬脂調敷俱效

逍遙散
見背部
上搭手

血 風 瘡 圖



血風瘡發在偏身起如粟米下視淡紅暈

血風瘡

血風瘡證生徧身粟形搔癢脂水淫肝肺脾經風濕熱
久鬱燥癢抓血津

註

此證由肝脾二經濕熱外受風邪襲於皮膚鬱於
肺經致徧身生瘡形如粟米搔癢無度抓破時津
脂水浸淫成片令人煩躁口渴搔癢日輕夜甚宜
服消風散外敷雄黃解毒散若日久風邪鬱在肌
膚則耗血生火搔癢倍增夜不得寐撓破津血心

煩大便秘咽乾不渴此屬火燥血短宜服地黃
飲外擦黃連膏潤肌膏合而用之悉效兼忌椒酒
鷄鵝動風等物

雄黃解毒散

雄黃

寒水石

各一兩
煨

白礬

四兩
生

共研細末滾水調敷

方歌雄黃解毒寒水石白礬四兩共研之血風瘡生粟

米瘡滾水調敷滲毒濕

地黄飲

生地

熟地

何首烏

各三錢
生

當歸

二錢

丹皮

黑參

白蒺藜

炒去刺

殭蠶

各一錢五分
炒

紅花

甘草

各五分
生

水煎早晚服

歌方
地黄飲治血風瘡癢盛不眠血燥傷首烏丹皮生

熟地黑參歸蔞草紅殭

消風散

見項部
鈕扣風

黃連膏

見鼻部
鼻瘡

潤肌膏

見頭部
白屑風

瘡 疔 圖



瘡疔形如豆瓣扁疔瘡紅暈宜腫

痞癩

痞癩汗出中邪風狀類豆癩扁癩形日癢秦艽湯宜服
夜重當歸飲服寧

註

此證俗名鬼飯疙瘩由汗出受風或露臥乘涼風邪多中表虛之人初起皮膚作癢次發扁疙瘩形如豆癩堆疊成片日癢甚者宜服秦艽牛蒡湯夜癢重者宜當歸飲子服之外用燒酒浸百部以藍布蘸酒擦之謹避風涼自效

秦朮牛蒡湯

秦朮

一錢五分

牛蒡子

炒研

枳殼

麩炒

麻黃

蜜炙

犀角

鎊

黃芩

防風

甘草

生

黑參

升麻

各一錢

水二鍾煎八分服

方歌秦朮牛蒡風留膚痞癰生如麻豆形枳殼麻黃犀

角鎊黃芩風草黑參升

當歸飲子

見疥瘡

浸 淫 瘡 圖



浸淫瘡初起如細疥抓破津黃水蔓延成片

浸淫瘡

浸淫瘡發火濕風黃水浸淫似疥形蔓延成片癢不止
治宜清熱並消風

註

此證初生如疥搔癢無時蔓延不止抓津黃水浸
淫成片由心火脾濕受風而成經云歲火太過甚
則身熱肌膚浸淫仲景云從口流向四肢者順四
肢流入口者逆初服升麻消毒飲加蒼朮黃連抓
破津血者宜服消風散外搽青蛤散即愈若脈遲

不食黃水不止此屬脾敗不治之證也

升麻消毒飲

見黃水瘡

消風散

見項部鈕扣風

青蛤散

見鼻部鼻蟲瘡

火赤瘡圖

火赤瘡起焯效紫脫

天胞瘡頂白根赤燎漿水脫



火赤瘡

火赤瘡由時氣生燎漿水皰徧身成治分上下風濕熱瀉心清脾自可寧

註

此證由心火妄動或感酷暑時臨火邪入肺伏結而成初起小如芡實大如棋子燎漿水皰色赤者為火赤瘡若頂白根赤名天皰瘡俱延及徧身焮熱疼痛未破不堅皰破毒水津爛不臭上體多生者屬風熱盛宜服解毒瀉心湯下體多生者屬濕

熱盛宜服清脾除濕飲未破者俱宜蚪蚪拔毒散
敷之已破者俱宜石珍散撒之清其濕熱破爛自
乾甚效

解毒瀉心湯

黃芩

黃連

牛蒡子

炒研

知母

石膏

煨

梔子

生

防風

元參

荊芥

滑石

各一錢

木通

甘草

各五分
生

水二鍾燈心二十根煎八分食遠服

方歌解毒瀉心湯火赤苓連牛蒡木通知石膏梔子防

風草元參荊芥與滑石

清脾除濕飲

赤茯苓

白朮

土炒

蒼朮

米泔浸炒

黃芩

生地黃

麥冬
去心

梔子
生研

澤瀉

甘草
生

連翹
去心

茵陳蒿

枳殼
麩炒

元明粉
各一錢

水二鍾竹葉二十片燈心二十根煎八分食前服

方歌清脾除濕天炮疾赤苓二朮苓生地麥冬梔瀉草

連翹茵陳元明同作劑

石珍散

輕粉

石膏

各一兩
煨

黃蘗末

青黛

各三錢

共研勻先以甘草湯洗淨瘡處再用此藥撒之


方歌石珍散去火邪害天炮破撒自康泰一兩輕粉煨

石膏三錢黃蘗加青黛

蚪蚪拔毒散

見腫
瘍門

貓眼瘡圖



貓眼瘡形如貓眼光彩閃爍

貓眼瘡

貓眼瘡名取象形痛癢不常無血膿光芒閃爍如貓眼
脾經濕熱外寒凝

註此證一名寒瘡每生於面及徧身由脾經久鬱濕
熱復被外寒凝結而成初起形如貓眼光彩閃爍
無膿無血但痛癢不常久則近脛宜服清肌滲濕
湯外敷真君妙貼散兼多食雞魚蒜韭忌食鮎魚
蠓蝦而愈

清肌滲濕湯

蒼朮

米泔水浸炒

厚朴

薑汁炒

陳皮

甘草

生

柴胡

木通

澤瀉

白芷

升麻

白朮

土炒

梔子

生

黃連

各一錢

水二鍾生薑三片燈心二十根煎至八分溫服

方歌清肌滲濕瘡貓眼脾濕熱鬱外寒纏平胃柴胡通
瀉芷升麻白朮梔黃連

真君妙貼散

見腫瘍門

魚脊瘡圖



魚脊瘡初起白胞漸長如魚脊狀

魚脊瘡

魚脊瘡由虛人成感受濕熱皮間凝虛寒發緩皰津水
灸變稠膿陽氣生

註
此證形如魚脊由陽氣虛寒之人復感濕熱結滯
而成多生筋骨之間以陽氣虛寒故發長緩慢只
在皮膚堅凝舉痛初起白皰漸長狀如魚脊破津
黃水正膿生遲初治無論已破未破宜蒜片艾灸
以通陽氣外用真君妙貼散香油調敷宜服內補

十宣散得稠膿色鮮者為順若灸之不應色暗腐爛出臭水者逆其次內外治法俱按癰疽潰瘍門

真君妙貼散

見腫瘍門

內補十宣散

見胸部瘰癧

骨 痿 瘡 圖

骨痿瘡色紅大如梅李



骨痿瘡

骨痿瘡形粟豆紅漸如梅李火毒成膿血不出痛不止
治同疔法即成功

註此證初生形如粟豆色紅漸大如梅如李由火毒
而成血不出膿不生痛亦不止久則延及徧身內
外治法與疔門參考

風疔 無圖

風疔證如風癩形破流黃水癢微疼由於風濕客谷道
如聖膏搽功即成

註此證由風濕客於谷道而成形如風癩作癢破流
黃水浸淫徧體微疼宜用如聖膏搽之即愈

如聖膏

當歸 五錢


巴豆 三錢
去殼

香油八兩將二藥煤枯去渣入黃蠟三兩化盡離

火絹濾淨將凝入輕粉二錢攪勻搽之

方如聖膏用歸巴豆二味一同入香油煤枯加蠟添
輕粉凝搽風疔功即收

血 疔 圖



血疔發在偏身形如紫疥其色紅紫搔癢

血疔

血疔形如紫疥瘡痛癢時作血多傷證因風熱閉腠理
消風散服功最強

註此證由風熱閉塞腠理而成形如紫疥痛癢時作
血燥多熱宜服消風散

消風散

見項部
鈕扣風

白 疔 瘡 圖



白疔生在偏身色白搔癢起白皮

白疔

白疔之形如疹疥色白而癢多不快固由風邪客皮膚亦由血燥難榮外

註此證俗名蛇虱生皮膚形如疹疥色白而癢搔起白皮由風邪客於皮膚血燥不能榮養所致初服防風通聖散次服搜風順氣丸以豬脂苦杏仁等分共搗絹包擦之俱效

搜風順氣丸

大黃

五兩
酒浸蒸曬九次

車前子

酒炒

山萸肉

山藥

炒

牛膝

酒浸

菟絲子

酒煮

獨活

火麻仁

微火焙去殼

檳榔

枳殼

麩炒

郁李仁

各二兩
滾水浸去皮

羌活

一兩

右為末煉蜜和丸如梧桐子每服三十九茶酒任

下早晚各一服

方歌搜風順氣車前子萸藥大黃膝菟絲羌獨火麻榔

枳郁服去風邪血燥滋

防風通聖散

見頭部
羌瘡

漆 瘡 圖

漆瘡隨處可生紅腫如疹



漆瘡

漆瘡感受漆毒生腠理不密腫焮紅初發覺癢後如疹
皮破流水更兼疼

註此證由人之腠理不密感漆辛熱之毒而生初發
面癢而腫抓之漸似癩疹色紅徧傳肢體焮痛皮
破爛斑流水甚者寒熱交作宜葦菜汁調三白散
塗之內服化斑解毒湯忌浴熱水戒油膩厚味發
物或用神麩研為末生蠟黃調塗患處尤效

三白散

鉛粉

一兩

輕粉

五錢

石膏

三錢
煨

共研勻韭菜汁調敷紙蓋如無韭菜汁涼水調亦

可

方歌

三白散敷漆瘡消輕粉鉛粉煨石膏去熱解毒功

效速研勻須用韭汁調

化斑解毒湯

見肋部內
發丹毒

血 箭 圖

血箭發無定處血從毛孔射出



血箭

血箭毛孔射出血心火熾迫血亂行桃花散用涼水敷
再塗金墨即能停

註此證一名肌衄由心肺火盛逼血從毛孔中射出
如箭宜服涼血地黄湯外用桃花散以涼水調敷
或用金墨研末醋調涼塗其血即止

涼血地黄湯

生地 三錢

黃連

當歸 各一錢五分
甘草

梔子

生研

元參 各一錢

黃芩

二錢

水二鍾煎八分量病上下服之

方歌涼血地黃心火盛毛孔血溢不歸經黃連歸草芩

梔子元參煎服效通靈

桃花散

白石灰半升用水潑成末與大黃片一兩五錢同炒

以灰變紅色為度去大黃將石灰篩細用涼水調敷
方歌桃花止血最為良一兩五錢生大黃半升石灰相
併炒去軍研篩水調強

血 痣 圖

血痣色紅如豆



血痣

血痣初起似痣形漸大如豆其色紅搯破外皮流鮮血
肝經怒火鬱血成

註此證由肝經怒火鬱血而成初起如痣色紅漸大
如豆觸破時流鮮血用花蕊石散撒之血已止宜
冰蠟散枯去本痣以月白珍珠散搽太乙膏蓋貼
生皮即愈血出甚者服涼血地黄湯兼戒厚味發
物

花蓋石散

花蓋石

五錢火煨入童便淬之七次

草烏

南星

白芷

厚朴

紫蘇

羌活

沒藥

輕粉

龍骨

煨

細辛

檀香

蘇木

乳香

蛇含石

火煨童便淬三次

當歸

降真香

各二錢

麝香

三分

共為細末罐收臨用時撒於患處

方歌花蕊石散止血強草烏星芷厚蘇羌沒輕龍骨細

檀麝蘇木乳歸含降香

水蛭散

即水螺搗研末見乳部乳岩

月白珍珠散

見潰瘍門

凉血地黄湯見血箭

太乙膏見潰瘍門

大乙膏

御纂醫宗金鑑

四七

腹痛 無圖

腹痛本於寒氣侵鬱在肌膚痛連心衣觸手捺無皮狀
法宜椒酒綿溺溫

註 此證係暴寒侵襲肌膚之中寒鬱不行偶犯衣觸
或以手捺疼痛連心似乎如無皮之狀法宜胡椒
四錢燒酒四兩共入磁盃內重湯炖煮以軟綿蘸
酒溫溺熨痛處即效

瘡口誤入毒水 無圖

瘡潰誤入污水毒或傷諸刺痛至骨金蟬散煨敷瘡內
毒水流盡刺亦出

註

瘡潰誤入皂角驢馬屎糞一切污穢毒水入瘡或
木刺傷着於瘡內焮腫疼痛至骨者先以溫水洗
瘡拭乾再用金蟬散煨煉妥協撒於瘡內外以加
味太乙膏蓋之良久毒水流盡有刺亦自出矣

金蟬散

大乾蝦蟆 一箇

胡椒 十五粒

皂角子 七粒

右用乾鍋入藥在內瓦蓋鍋口慢火煨至烟盡取

出存性研為細末取用

方歌金蟬潰瘡受毒水腫痛或因木刺傷蝦蟆胡椒皂

角子火煨烟盡研撒良

加味太乙膏

見潰瘍門

諸瘡生蠅蛆 無圖

夏月諸瘡臭腐爛蠅衆生蛆治勿慢蟬花散服可除之
蛆化為水蠅畏散

註

夏月諸瘡潰爛腐臭或孤單及懶惰之人失於洗
浴積膿污穢蒼蠅聞穢叢聚以致生蛆宜急服蟬
花散蛆盡化水而出蠅亦不敢近瘡嬰兒痘爛生
蛆者亦服前藥外用寒水石細末搽之又治瘡膿
忽臭有冬月潰瘡生蛆者係陰濕之所化也宜海

參為末撒之或皂礬飛過為末撒之其蛆亦化為水

蟬花散

蛇蛻

一兩
火燒存性研末

蟬蛻

青黛

各五錢


細辛

二錢五分

右為細末每服用三錢黃酒調服日用二服

方歌蟬花散療諸瘡穢夏月生蛆蠅近圍蛇蛻細辛蟬

蛻黛酒調蛆化蠅畏飛



御纂醫宗金鑑卷七十四

欽定四庫全書

子部

御纂醫宗金鑑卷七十五

詳校官太醫院醫士臣程泰

編修臣倉聖脈覆勘

總校官中書臣朱 鈐

校對官中書臣汪 鏞

謄錄監生臣潘 衡

欽定四庫全書

御纂醫宗金鑑卷七十五

編輯外科心法要訣目錄

雜證部

跌撲

金瘡

箭頭入肉

鐵鍼入肉

鐵鍼誤入咽喉

誤吞銅錢

骨骯咽喉

杖瘡

夾傷

竹木刺入肉

破傷風

發瘰

湯火傷

凍瘡

人咬傷

熊虎狼傷人

馬咬傷

瘋犬咬傷

馬汗驢涎入瘡

蛇咬傷

蜈蚣咬傷

蠍螫

蠶齧

射工傷

蚯蚓傷

天蛇瘡

蠟螻傷

百蟲入耳

又已口口口口

御纂醫宗金鑑

三

御纂醫宗金鑑卷七十五目錄

欽定四庫全書

御纂醫宗金鑑卷七十五

編輯外科心法要訣

雜證部

跌撲

跌撲之證屬尋常復元活血湯最良已破亡血八珍服
未破血瘀大成湯

註此證有已破未破之分亡血瘀血之別如尋常跌

撲微傷皮肉疼痛未破者以復元活血湯散瘀活
血若損傷筋骨血流過多不止者即為亡血急用
花蕊石散乾撒止血內服八珍湯加酒炙骨碎補
續斷紅花若從高跌墜未曾損破皮肉者必有瘀
血流注臟腑人必昏沈不醒二便秘結當以大成
湯通利二便其人自醒若便利不醒者灌獨參湯
救之

大成湯

大黃 三錢

朴消

枳殼

各二錢
麩炒

厚朴 薑炒

當歸

紅花

木通

蘓木

陳皮

甘草

各一錢
生

水二鍾煎八分不拘時服服後二時不行渣再煎
加蜜三匙沖服

方歌大成活瘀便立通消黃枳殼厚歸紅木通蘇木陳

皮草煎服不行加蜜沖

復元活血湯

當歸尾 二錢

柴胡 一錢五分

穿山甲

炙研

紅花

枳殼仁 各七分

甘草 五分

桃仁 十七個

大黃 三錢

水二鍾酒二鍾煎一鍾食遠服以利為度

方歌復元活血跌撲證惡血流瘀積滯疼山甲柴紅枳

萋草桃仁歸尾大黃行

花蕊石散

見發無定處血瘕

八珍湯

獨參湯

俱見潰瘍門

--	--	--	--	--	--	--	--	--

金瘡

金瘡須宜驗傷痕輕傷皮肉重傷筋外撒如聖桃花散
血多八珍湯獨參

註

此證有金刃傷箭鏃傷磁鋒傷須看傷痕深淺輕
者皮肉破損血流不住以桃花散撒之重者筋斷
血飛係大脈已傷用如聖金刀散撒上以絹帛紮
住止而復流再撒若藥痂過厚拘痛者以生肌玉
紅膏塗傷處外貼陀僧膏長筋止痛生肌治之無

論輕重傷破出血初服三黃寶蠟丸傷破微出血者服黎洞丸若出血過多其人面黃眼黑不可專攻瘀血宜用八珍湯甚者獨參湯先固根本二方俱加蘇木紅花兼調瘀血此證雖係好肉暴傷然驗脈法形證亦可以定生死如傷血過多脈見虛細沈小和緩者生若脈見浮洪數大實虛促者死被傷入肺者二七死左脇下傷內者腸全斷者少腹下傷內者傷處繁多者老人左股壓碎者傷破

陰子者肩內耳後傷透於內者死凡傷天牕穴與
眉角腦後臂裏跳脈髀內陰股兩乳上下心下鳩
尾及五臟六腑之俞者皆死腦後出髓而不能語
目睛直視喉中沸聲口急唾出兩手妄舉者亦死
又有腹皮損破腸出者看腸若僅傷一半者可治
先以大麥煮粥取濃汁溫洗其腸以桑皮尖茸為
線蘸花蕊石散縫腸傷口急於縫處塗活雞冠血
隨以清油塗腸令潤將腸輕輕納入腹內外用生

人長髮密縫腹傷口之裏肉留外皮撒月白珍珠散以待生肌斂口若傷口大者不能外縫以陀僧膏護貼候自潰膿即按潰瘍門治法縫後勿驚笑以米飲少少飲之漸增待二十日後再喫濃粥調理而愈

三黃寶蠟丸

藤黃

四兩製法見
黎洞丸內

天竹黃

無真者九轉
南星代之

紅芽大戟

劉寄奴

血竭 各三兩

孩兒茶

雄黃 各三兩

朴消 一兩

當歸尾 一兩五錢
鉛粉

汞 即水銀
乳香

麝香 各三錢
琥珀 二錢

各研極細末稱準和一處將水銀同鉛粉在鐵鍋
內火上熱研成末入前藥內共研勻用煉淨黃蠟
二十四兩放磁器內坐滾水中化開將藥入內攪

勻病重者每丸一錢病輕者每丸五分熱黃酒調服倘受傷至重連服數次服藥後飲酒出汗更妙又治一切惡瘡以香油化開敷之甚效

方歌

三黃寶蠟琥天竹大戟兒茶消寄奴雄竭藤黃鉛粉汞乳歸麝碾去其粗蠟丸黃酒熱調服外治惡瘡油化敷能療金瘡傷損證續筋瘀散痛全無

黎洞丸

三七

生大黃

阿魏

孩兒茶

天竹黃

血竭

乳香

沒藥 各二兩

雄黃

一兩

山羊血

五錢無真者以小
子羊鮮心血代之

冰片

麝香

牛黃

各二錢五分
以上各研細末

藤黃

二兩

以秋荷葉露泡之隔湯煮十餘次去浮沈取中
將山羊血拌入曬乾

取秋露水化藤黃拌藥搗千餘下如乾加煉蜜少許為丸重一錢黃蠟封固每用一丸黃酒化服外敷亦用黃酒磨塗此藥如在夏天修和取天落水拌之為丸

方歌黎洞金瘡跌撲傷發背癰疽諸惡瘡瘰癧刑傷瘋犬齧蜂蛇蠍毒服敷良三七大黃冰麝魏兒茶天竹竭藤黃羊血牛雄黃乳沒秋露和丸酒化強

桃花散

見發無定處血箭

如聖金刀散

見足部
脫疽

生肌玉紅膏

陀僧膏

八珍湯

獨參湯

月白珍珠散

俱見潰
瘍門

花蕊石散

見發無定
處血痣

箭頭入肉 附毒箭

箭頭入肉鉗不出解骨丸納羊脂敷焦銅毒箭金汁解
射箇中人藍汁塗

註箭頭嵌入肉內鉗不出者宜解骨丸納傷口內外
用羊腎脂細嚼貼之覺癢忍之極癢箭頭漸冒撼
動拔出即以人尿洗之貼陀僧膏日換傷口自斂
又有毒箭二種交廣蠻夷用焦銅作箭鏃甚毒人
若中之纔傷皮肉便悶膿沸爛而死急飲金汗外

亦用金汁抹之若金汁一時不得即灌人糞汁並
外敷之非此不能解毒也又一種以毒藥喂箭名
為射蔞人若中之甚解急用葛氏方用藍錠汁一
盃灌之外亦用塗抹傷處一法用大豆豬羊血內
服外敷解毒亦效又箭鏃不出者搗鼠肝塗之或
鼠腦搗塗即出

解骨丸

蜚螂
研

雄黃

象牙末 各等分

共和勻煉蜜為丸如黍米大納傷口處

方歌解骨丸能拔箭鏃蜈螂雄黃功效速象牙末加蜜

煉丸大如黍米納傷處

陀僧膏

見潰瘍門

鐵鍼入肉

鐵鍼入肉隨氣遊走向心胸險可愁烏鴉翎灰酒調服
膏貼鍼出始免憂

註凡鐵鍼誤入肉中無眼者不動有眼者隨氣遊走
若走向心窩胸膈者險急用烏鴉翎數根灸焦黃
色研細末酒調服一錢或二錢俱可外用神聖膏
貼三五次其鍼自出前法用在一二日間效

神聖膏

用車脂輦油不拘多少研如膏調慈石末攤紙上如
錢許貼之每日二換

鐵鍼誤入咽喉

誤吞鐵鍼入咽喉急飲蝦蟆血數頭鍼不即吐筍籬散
或食飴糖出不留

註鐵鍼誤入咽喉無藥可施宜用癩蝦蟆數個將頭

剝去倒垂流血以盥接之得一盃許灌入喉中移
時連鍼吐出鍼自軟曲一方用舊筍籬煨存性研
末每服三錢黃酒調服亦能化鍼或用飴糖一觔
食盡便出

誤吞銅錢

誤吞銅錢雖無疼久留腹中病必成葶薺能化堅為軟
多食無傷可化銅

註
誤吞銅錢多食葶薺即能化堅為軟若誤吞鐵骨
等物腸中不能轉送覺墜者多食青菜豬脂自然
送入大腸與糞同出甚效

--	--	--	--	--	--	--	--	--

骨骮咽喉

骨骮咽喉最可憂吐嚙刺痛礙咽喉魚骨須用鴨涎灌
獸骨狗涎灌即瘳

註

此證由嚙物急迫骨骮於咽喉妨礙飲食吐嚙刺
痛宜急治之然有魚骨獸骨之分誤吞魚骨者用
河中養蓄活鴨倒掛垂涎以磁盃接下令患人仰
卧頻灌其骨盡化誤吞獸骨者用狗一隻倒掛接
涎如前法頻灌其骨盡化俱效若失治咽喉腫痛

潰膿宜用冰硼散吹之不可妄服涼藥若骨勢大者與飲食難下餓倒胃氣者俱屬難救

冰硼散

見口部
爲口瘡

杖瘡

杖瘡須宜看其形已破未破要分明清涼拈痛膏破用敷之消腫並止疼未破瘀血須當砭湯劑急宜用大成玉紅膏貼瘀腐痛搽之新肉自然生

註

此瘡有已破未破之分已破者隨杖後用清涼拈痛膏敷之疼腫即消未破瘀血內攻者急宜砭去瘀血內服大成湯便通自愈如傷處瘀腐作疼者生肌玉紅膏搽之自然腐化新生其效甚捷

清涼拈痛膏

如意金黃散一兩加樟腦末三錢和勻又用生白石
灰塊三四觔許以水泡開水高石灰二三指露一宿
將石灰面上浮起油水結如雲片者輕輕帶水起入
盃內有水一種對香油一鍾竹筴攪百轉自成稠膏
調前藥稀稠得所不用湯洗徧敷傷處紙蓋布紮夏
月一日冬月二日方用葱湯淋洗乾淨仍再敷之以
腫消痛止為度

方
歌 清涼拈痛金黃散加入樟腦末三錢杖瘡破後多

疼痛石灰水油調敷痊

大成湯

見跌撲

生肌玉紅膏

見潰瘍門

如意金黃散

見腫瘍門

夾傷

夾傷禁用藥貼敷硃砂燒酒可調塗瓊液散服隨飲醉腫勢必消痛自除復受重刑潰破者代杖湯藥速宜圖氣血弱者當大補六真膏貼痛即無

註

夾傷即擠傷也禁用敷藥膏藥及泥塗等法恐後必作腫成膿受刑初宜服代杖丹以護心隨用銀硃或硃砂末燒酒調敷傷處再著一人以手十指尖輕啄患者脚心先覺癢次覺疼為止次著一二

人以筆管於患者脚面上輕輕趕之助通血脈候
傷處凹者突起四圍腫大為度即服瓊液散隨飲
至醉次日揩去所敷銀硃只用洗杖傷湯日燙二
三次次日再服瓊液散其腫自消痛即止矣如復
受重刑以致破潰者外貼瓊液膏內服代杖湯繼
宜大補氣血易於收功生肌時換貼六真膏其效
甚捷

代杖丹

丁香

蘇木

蚯蚓

去土

無名異

丹皮

肉桂

木鱉子

乳香

沒藥

自然銅

各一兩
火煨醋淬七次

右為末煉蜜和丸二錢重用一丸黃酒化下

方歌代杖護心血不攻丁香蘓木蚓無名丹皮肉桂木

鱉子乳香沒藥自然銅

瓊液散

開羊花

擇去梗蒂莖葉洗去
灰沙曬乾砂鍋微焙

為末每服五分壯者七分先飲醇酒至半酣次用
調藥服下再飲至大醉為度靜卧勿語語則發麻
至次日其麻方解消腫止疼其功甚捷連服三五
次弱者間一二日再服

方瓊液散消瘀血滯豫酌酒至半酣時開羊花末調

歌服下漫漿復飲醉如癡

洗杖湯

陳皮

透骨草

南星

天門冬

地骨皮

天靈蓋 各五錢

象皮

一兩
切碎

水煎浸洗日三二次

方歌洗杖湯陳透骨星天冬地骨共天靈象皮水煎日

勤洗夾傷消腫又除疼

瓊液膏

當歸尾

開羊花

紅花

白芷

蒲黃

各二兩

香油一觔浸藥七日燂枯去渣入白蠟黃蠟各一兩溶化盡絹濾淨稍溫再入冰片六分沒藥乳香末各六錢攪勻攤貼

方歌
瓊液膏貼夾傷破歸開紅花芷蒲黃油燂又下白

黃蠟再加冰片沒乳香

代杖湯

乳香

沒藥

蘓木 各二錢

蒲黃

木通

枳殼 麩炒

甘草 生

當歸尾

丹皮

木耳

穿山甲

各一錢
炙研

土木鱉

五個
焙

酒水煎服

方歌代杖湯醫夾傷驗乳沒蒲黃通枳甘歸尾丹皮鱉

木耳酒煎蘓木炙穿山

六真膏

樟腦 三兩

孩兒茶

滴乳香

血竭

沒香

三七

共為末用豬脂油十二兩盪盛水煮化將藥入油

內和勻攤貼

方歌六真膏貼夾杖傷樟腦兒茶滴乳香竭沒三七脂
油化和敷諸瘡也相當

竹木刺入肉

諸刺入肉係外傷螻蛄搗塗最為良如刺已出仍作痛再塗螻蛄即無妨

註諸刺入肉外傷之證也輕淺者以鍼撥出硬深者搗螻蛄塗之少時即出如刺已出而仍作痛者再以螻蛄塗之即愈

破傷風

皮肉損破外傷風初覺牙關噤不鬆甚則角弓反張狀吐涎抽搐不時寧四因動靜驚潰審陷縮神昏不語凶在表宜汗裏宜下半表半裏以和平

註此證由破傷皮肉風邪襲入經絡初起先發寒熱牙關噤急甚則身如角弓反張之狀口吐涎沫四肢抽搐無有寧時不省人事傷口銹溢然傷風有四因動受靜受驚受瘡潰後受皆可傷風動而受

者怒則氣上其人跳躍皮肉觸破雖被風傷風入
在表因氣血鼓旺不致深入屬輕靜受者起作和
平之時氣不充鼓偶被破傷風邪易於入裏屬重
驚受者驚則氣陷偶被傷破風邪隨氣直陷入陰
多致不救屬逆若風邪傳入陰經者則身涼自汗
傷處反覺平塌陷縮甚則神昏不語噤口舌短其
證貴乎早治當分風邪在表在裏或半表半裏以
施汗下和三法如邪在表者寒熱拘急口噤咬牙

宜服千里奔散或雄鼠散汗之次以蜈蚣星風散
頻服追盡臭汗如邪在裏者則驚而抽搐臟腑秘
澀宜江鯽丸下之如邪在半表半裏無汗者宜羌
麻湯主之若頭汗多出而身無汗者不可發汗宜
榆丁散和之若自汗不止二便秘赤者宜大芎黃
湯主之又有發表太過臟腑雖和自汗不止者宜
防風當歸散服之發表之後表熱不止者宜小芎
黃湯服之攻裏之後裏熱不止宜栝石湯服之若

傷時血出過多不可再汗宜當歸地黃湯主之至
於生瘡潰後受風者因生瘡潰而未合失於調護
風邪乘虛侵入瘡口先從瘡圍起粟作癢重則牙
緊項軟下視不宜發汗誤汗令人成瘕當以參歸
養榮湯加殭蠶主之先固根本風邪自定若手足
戰掉不已者宜硃砂指甲散主之若痰盛抽搐身
涼者宜黑花蛇散主之外治之法遇初破之時一
二日間當用灸法令汗出其風邪方解若日數已

多即禁用灸法宜羊尾油煮微熟絹包乘熱熨破處數換拔盡風邪未盡者次日再熨兼用漱口水洗之日敷玉真散至破口不銹生膿時換貼生肌玉紅膏緩緩收斂按劉完素只論三陽汗下和三法而不論三陰者蓋風邪傳入陰經其證已危如腹滿自利口燥咽乾舌捲囊縮等類皆無可生之證故置而不論也

千里奔散

用行遠路驟蹄心陰陽瓦煨存性研細每服三錢熱
黃酒沖服

方歌千里奔散破傷風口噤拘急寒熱攻驟蹄火煨存

性研每服三錢黃酒沖

雄鼠散

活雄鼠一枚用鐵線縛繞陰陽瓦煨存性研為細末
作一服熱黃酒調下

方歌雄鼠破傷風居表活鼠一枚鐵線繞陰陽瓦煨存

性研酒調盡服風邪了

蜈蚣星風散

蜈蚣 二條

江鱧 三錢

南星

防風 各二錢五分

共研細末每用二錢黃酒調服一日二服

方歌蜈蚣星風邪末散搜風發汗去風源南星江鱧防

風末酒服經絡自通宣

江鱧丸

天麻

雄黃 各一錢

蜈蚣 二條

江鱧

殭蠶

炒

野鴿糞

各五分
炒

共研細末作兩分一分飯丸如梧桐子硃砂為衣
一分加巴豆霜二分五釐飯丸如梧桐子大每用
硃砂藥二十九如巴豆藥一丸二服加二丸白滾
水送下至便利為度再服硃砂藥病愈即止

方歌 江鱧破傷風入裏驚兼抽搐下之宜天麻蜈蚣殭

鴿糞雄黃巴霜丸硃衣

羌麻湯

羌活

麻黃

川芎

防風

枳殼

麩炒

白茯苓

石膏

煨

黃芩

細辛

甘菊花

蔓荊子

前胡

甘草

各七分
生

白芷

薄荷

各五分

生薑三片水二鍾煎八分服

方歌羌麻湯芎風枳殼苓芷石膏芩薄荷細辛菊蔓前

甘草發汗破傷風即瘥

榆丁散

防風

地榆

紫花地丁

馬齒莧
各五錢

共研細末每服三錢溫米湯調下

方歌榆丁破傷風為患頭汗身無不宜散此藥米湯服

解和防榆地丁馬齒莧

大芎黃湯

黃芩

羌活

大黃 各二錢

川芎 一錢

水煎服以微利為度

方歌大芎黃治破傷風汗多便秘小水紅水煎黃芩與

羌活大黃切片共川芎

防風當歸散

防風

當歸

川芎

生地 各二錢五分

水煎服

方歌防風當歸耒太過臟腑雖調汗出多只將四味水

煎服川芎生地共相和

小芎黃湯

川芎 二錢

黃芩 二錢

甘草

五分
生

水煎溫服

方歌 小芎黃湯發散後表熱猶存用此醫芎苓甘草煎
溫服退熱除根神效奇

栝石湯

栝萋仁 九錢

滑石 一錢五分

蒼朮

米泔水浸炒

南星

赤芍

陳皮

各一錢

白芷

黃蘗

黃芩

黃連

甘草

二分
生

生薑三片水三鍾煎一鍾服之

方歌

栝石芍芷蘗芩連蒼朮南星陳草煎醫治破傷風

下後熱猶不解服之痊

當歸地黃湯

當歸

熟地

川芎

藁本

白芍

酒炒

防風

白芷

各一錢

細辛

水煎服

方歌 當歸地黃芎藁本白芍防風芷細辛破傷之時血

出甚服此滋榮風不侵

參歸養榮湯

人參

當歸

川芎

白芍

酒炒

熟地

白朮

土炒

白茯苓

陳皮

各一錢

甘草

五分
炙

生薑三片紅棗肉二枚水煎服

方歌參歸養榮衛虛潰瘡夫護風邪居生薑三片一

枚棗八珍湯內入陳皮

硃砂指甲散

人手足指甲

燒存性
用六錢

硃砂

南星

獨活 各二錢

共研細末每用四錢熱黃酒調下

方歌硃砂指甲散神效破傷風侵手足搖每用四錢熱

酒服南星獨活指甲燒

黑花蛇散

麻黃

灸 一兩

黑花蛇

六錢
即烏蛇酒浸

天麻

白附子

乾薑

川芎

附子

製

草烏

各五錢
泡去皮

蠍稍

二錢五分

共研細末每服一錢熱黃酒調下日二服

方歌

黑花蛇散蠍麻黃天麻白附子乾薑川芎附子草

烏泡善却風痰醫破傷

玉真散

白芷

南星

白附子

天麻

羌活

防風 各一兩

共研細末吐津調濃敷傷處如破傷風初起角弓反張牙關緊急每用三錢熟童便調服亦妙

方歌 玉真散芷共南星白附天麻羌活風破傷風襲傳

經絡熱酒調服立奏功

生肌玉紅膏

見清
瘍門

發瘧

潰瘍發瘧類破傷有汗為柔無汗剛膿血出多成此證
補正驅邪要審詳

註

此證勢類破傷風牙緊體強肢搐背反有汗曰柔
瘧無汗曰剛瘧由潰瘍亡血過多所致治宜大補
氣血以十全大補湯加鈞藤鈞梔子天麻服之不
應者服獨活湯手足逆冷加桂附誤作風瘧汗之
則危

十全大補湯

獨參湯

俱見潰瘍門

湯火傷

湯燙火燒皮爛疼，炮起挑破使毒輕，煩躁作嘔防毒陷，便秘神昏氣喘凶。

註

此證係好肉暴傷湯燙火燒皮膚疼痛外起燎炮，即將炮挑破放出毒水使毒輕也。其證雖屬外因，然形勢必分輕重，輕者施治應手而愈，重者防火毒熱氣攻裏，令人煩躁作嘔，便秘甚則神昏悶絕。初傷用冷燒酒一鍾於無意中望患者胸前一潑。

被吃一驚其氣必一吸一呵則內之熱毒隨呵而出矣仍作煩悶者以新童便灌之外初用清涼膏塗之解毒止痛不致臭爛次以鴛粟膏塗之痛止生膿時換黃連膏貼之收斂火毒攻裏者宜四順清涼飲服之務令二便通利則毒熱必解初終禁用冷水井泥浸溺傷處恐熱毒伏於內寒滯束於外致令皮肉臭爛神昏便秘喘肩氣喘多致不救外花砲火藥烘燎者治法同前

鴛粟膏

鴛粟花

十五朵無花
以殼代之

香油四兩將鴛粟煤枯濾淨入白蠟三錢溶化盡
傾入盃內待將凝之時下輕粉二錢攪勻炖水中
令冷取出臨用時抵脚挑膏手心中捺化捺於傷
處綿紙蓋之日換二次其痛自止次日用軟帛搥
淨腐皮再搥之

方歌 鴛粟膏醫湯火燒香油鴛粟共煎熬白蠟更兼真

輕粉患上搽塗痛即消

清涼膏

水潑開石灰末一升加水四盃攪渾澄清取清汁一盃加香油一盃以筯順攪數百轉其稠黏如糊用雞翎蘸掃傷處

黃連膏

見鼻部
鼻瘡

四順清涼飲

見面部
疔腮

凍瘡

凍瘡觸犯嚴寒傷氣血肌肉硬腫殭涼水揉溺覺熱散
大忌烘火立成瘡

註

此證由觸犯嚴寒之氣傷及皮肉著凍以致氣血
凝結肌肉硬腫殭木不知痛癢即在著痛之處墊
衣揉搓令氣血活動次用涼水頻洗覺熱殭木處
通活如故則已若日久凍殭疣瘡不散用冰一塊
絹包溺之以殭疣瘡化盡為度此從治之法也若

暴凍即著熱或進煖屋或用火烘湯泡必致肉死
損形輕則潰爛重則骨脫筋連急剪去筋否則浸
淫好肉初治宜人參養榮湯加醇酒服之潰爛者
外按癰疽潰瘍治法亦有經年不愈者用獨勝膏
敷之甚效

獨勝膏

於六月初六十六二十六日用獨頭蒜杵爛日中曬
熟塗於凍發之處即於日中曬乾忌患處著水

人參養榮湯

見潰瘍門

人齧傷

人齧係受牙毒傷腫痛臭爛異尋常始終惟宜童便洗
蟾酥條餅功最良

註

此傷由人牙齒食用炙燂之物漸漬有毒故一受
其傷則腫痛臭爛異於尋常初齧時用熟童便浸
傷處洗去牙黃汚血貼蟾酥餅以萬應膏蓋之出
微膿即愈若失治則爛痛發腫仍用童便浸洗次
用油紙撚點火於患處薰之良久插蟾酥條如傷

口大作餅翬上萬應膏蓋之俟腫消時用葱白二兩甘草五錢水煎日洗一次換生肌玉紅膏蓋貼萬應膏收口一法隨於齧後即用童便洗之大糞塗之腫潰時人中黃熬湯時洗較諸治法尤覺神效

蟾酥餅

蟾酥條

俱見疔瘡門

萬應膏

生肌玉紅膏

俱見潰瘍門

熊虎狼傷人

熊虎狼傷致成傷內外服洗葛根湯青布撚薰鐵湯洗
獨窠栗子嚼塗傷

註 熊虎狼牙爪傷人皮肉成瘡者初宜葛根濃煎內

服一二鍾外洗日十度或煮生鐵有味者洗之又
用青布急捲為繩撚著納竹筒中注瘡口薰之出
毒水次宜獨窠栗子生嚼塗傷口效

馬齒傷

馬齒傷時損肌肉栗子嚼爛敷患處若逢毒氣入裏者
馬齒莧湯速宜服

註此傷用栗子嚼爛敷之毒氣入裏心煩嘔悶者馬
齒莧煎湯飲之即效外用馬鞭子挽手及鞭穗煨
灰存性研末豬脂搗合貼之俱效

瘋犬齧傷

瘋犬齧傷毒最深刺吮糞炙尿洗淋頂心紅髮當拔去
三年禁忌保終身

註犬因五臟受毒而成瘋犬故經其齧必致傷人九
死一生之證也初被齧時急就齧處刺令出毒血
以口含漿水吮洗傷處或以拔法拔之或以人尿
淋洗拭乾即用核桃殼半邊以人糞填滿罨在齧
處上著艾炙之殼焦糞乾再易炙至百壯以玉真

散唾津調敷次日再灸漸灸至三五百壯為度於
初灸時即服扶危散逐惡物血片從小水中出若
毒物血片堵塞莖中致小水澀滯若淋者即服琥
珀碧玉散以通利之被齧之人頂心有紅髮一根
速當拔去一法用豆豉研末香油調稠丸如彈子
大常揩拭所齧處搯開看豉丸內若有狗毛茸茸
然此係毒氣已出易丸再搯至無茸毛方止甚效
始終禁忌必當慎重終身忌食狗肉及蠶蛹赤豆

百日内忌見麻物忌飲酒三年內忌食一切毒物
及房事可常食杏仁以防其毒若治遲犬毒入心
煩亂腹脹口吐白沫者用虎頭骨虎牙虎脰骨為
末酒調二錢服之若發狂叫喚人聲似犬聲眼神
露白者逆終始犯禁忌者不救

扶危散

蟹螯 按日數用之如犬齧已竟七日用七個
十日用十個去翅足加糯米同炒去米

滑石

一兩
水飛

雄黃 一錢

麝香 二分

共研細末每服一錢溫酒調下不飲酒者米湯調

下

方歌扶危散治瘋犬齧螫螫糯米一同炒滑石雄黃與

麝香研加酒服毒即掃

琥珀碧玉散

滑石 六兩

甘草 一兩

琥珀 五錢

青黛 八分

共研細末每服三錢燈心煎湯調下

方琥珀碧玉用六一黛珀同加研極細燈心湯調服

三錢滑澁能醫小水利

瘋犬齧傷拔法

用砂燒酒壺兩個盛多半壺燒酒先以一壺上火令滾無聲傾去酒即按在破傷瘡口拔出汚黑血水滿則自落再以次壺仍按瘡口輪流提拔以盡為度其證立愈

玉真散

見破傷風

馬汗驢涎入瘡

潰瘡誤犯馬汗傷焮痛紫腫瘡四旁急砭腫處出紫血
烏梅嚼爛塗敷良患者煩熱毒攻腹強弱量服馬莧湯
更有驪涎入瘡者冬瓜青皮末敷瘡

註

此證係潰瘡未合誤入馬汗之毒以致瘡口四旁
忽復焮痛紫腫宜急砭腫處令出紫血烏梅嚼爛
塗於瘡上若患者煩悶發熱恐毒入腹以致不救
急用醇酒濃煎馬齒莧飲之盡醉為效但馬齒莧

其性寒滑凡瘡潰未合氣血未復而又受此汗毒必量人壯弱用一兩或五錢更有驢涎入瘡者形證與馬汗毒同宜用冬瓜片下青皮晒乾研末敷之熬湯洗之亦可毒甚者亦用馬齒莧酒飲之立效

蛇齧傷

蛇齧傷時即飲醋仍宜用繩紮患處再服五靈共雄黃
腫消口合自如故

註凡被蛇齧傷者即時飲好醋一二碗使氣不隨血
走以繩紮傷處兩頭若昏困宜用五靈脂五錢雄
黃二錢五分共為末酒調二錢灌之少時齧處出
黃水水盡則腫消以雄黃末搽之口合而愈

蜈蚣咬傷

蜈蚣咬傷用雄雞倒控雞涎手蘸之抹搽傷處痛立止甚飲雞血最相宜

註此傷取雄雞倒控少時以手蘸雞口內涎抹搽傷處其痛立止甚者生雞血乘熱飲之立效

蠍螫 蠶齧

蠍螫急取大蝸牛搗爛塗之痛立休蠶齧須將芋根搗取汁搽塗患即瘳

註凡蠍螫取大蝸牛一個搗爛塗之其痛立止一時不得蝸牛即將螫處擠去毒水急用膏藥烤熱貼之亦能止痛蠶齧者用芋根搗汁塗之即愈

射工傷

射工傷人必癢痛甚則骨肉爛成瘍豆豉搗敷白芷洗
已爛海螵蛸末良

註

射工即樹間雜毛蟲也又名瓦刺蟲人觸著則能
放毛射人初癢次痛勢如火燎久則外癢內痛骨
肉皆爛諸藥罔效用豆豉清油搗敷痛癢之處少
時則毛出可見去豆豉用白芷煎湯洗之如肉已
爛用海螵蛸末摻之即愈

欽定四庫全書



卷七十五

蚯蚓傷

蚯蚓齧傷受毒氣眉髻脫落全無跡法用鹽湯頻頻洗
久則其毒自然去

註

蚯蚓齧傷即受蚯蚓之毒令人眉髻皆落狀如大
麻風但夜則蚓鳴於體中為異耳宜用鹽湯頻頻
洗之其毒自去

--	--	--	--	--	--	--	--	--

天蛇瘡

天蛇瘡發肌膚中似癩非癩是其形證因草內蜘蛛毒復被露水侵始生

註此證生於肌膚似癩非癩是草中花蜘蛛螫傷復被露水所侵而致法宜秦艽一味煎湯徐徐飲之外敷二味拔毒散甚效

二味拔毒散

見腫瘍門

蠼螋傷

蠼螋隱壁尿射人誤著皮膚水皰淫痛如火烙如豆大
鹽湯二味拔毒侵

註此蟲一名多脚蟲藏於壁間以尿射人若誤中其
毒令人皮膚起燎漿水皰痛如火烙初如飯糲次
如豆大宜鹽湯綿溺瘡上數換即消甚則毒延徧
身搔癢不休宜二味拔毒散敷之甚效

二味拔毒散

見腫瘍門


--	--	--	--	--	--	--	--	--

百蟲入耳

蟲偶入耳勿驚慌燒肉香氣近耳旁獨坐夜燈引蟲出
麻油滴耳使蟲殞

註

百蟲偶然誤入耳中如蠅蚊小蟲以麻油數點滴
入耳竅蟲即死取出如蚰蜒等物入者以肉炙香
置於耳旁蟲聞香自出夜間暗入者切勿驚慌响
叫逼蟲內攻宜端坐點燈光向耳竅其蟲見光自
出若對面有人其蟲不出人皆旁避方效



御纂醫宗金鑑卷七十五